

05 APR 2002  
PM-SIDANG/I  
PM AKAN BERUCAP PADA SIDANG TERTUTUP WILLIAMSBURG

KUALA LUMPUR, 5 April (Bernama) -- Perdana Menteri Datuk Seri Dr Mahathir Mohamad akan berucap pada para wakil Persidangan Williamsburg tertutup selama tiga hari yang akan diadakan pertengahan bulan ini.

Dr Mahathir dijadual menyampaikan ucap tama pembukaan semasa majlis makan malam pada 11 April, kata Datuk Dr Michael Yeoh, ketua pegawai eksekutif Institut Strategi dan Kepimpinan Asia (Asli) di dalam satu kenyataan di sini.

Persidangan Williamsburg akan diadakan di hotel peranginan Sunway Lagoon Petaling Jaya mulai 11 hingga 13 April.

Yeoh berkata, "Asli dipilih sebagai rakan kongsi tempatan Asia Society dalam membawa Persidangan Williamsburg ke Malaysia."

Katanya acara itu akan meliputi agenda lengkap yang akan meneliti keamanan dan kestabilan di Asia, prospek ekonomi, peperangan ke atas keganasan, Malaysia dan Asia Tenggara dan peranan AS di rantau ini.

Wakil-wakil terkemuka yang menghadiri persidangan itu akan termasuk pembuat-pembuat keputusan dan perumus-perumus dasar penting dalam beberapa kedudukan, antara lain, dari AS, Jepun, Australia, New Zealand, Brunei, Indonesia dan Thailand.

Antara mereka ialah penolong setiausaha negara AS Maurice Greenberg, naib menteri kanan Jepun bagi hal ehwal luar Seiken Sugiura, setiausaha negara Indonesia Bambang Kesowo, setiausaha tetap bagi hal ehwal luar Brunei Jusuf Wanandi dan Duta Kembara Singapura Tommy Koh.

Wakil-wakil terkenal Malaysia yang menghadiri persidangan itu termasuk pengerusi/ketua pegawai eksekutif Institut Strategik dan Kajian Antarabangsa Tan Sri Dr Noordin Sopiee, Ketua Menteri Pulau Pinang Datuk Dr Koh Tsu Koon, presiden Asli dan pengerusi eksekutif Konsortium Logistik Bhd, Mirzan Mahathir dan pengerusi Tenaga Nasional Bhd Datuk DR Jamaluddin Jarjis.

Yeoh berkata Persidangan Williamsburg akan menjadi cara bagi membawa AS dan Asia yang berdedikasi untuk mempertingkatkan perhubungan AS-Asia dan proses dasar.

Ia dianjurkan oleh Asia Society New York dan tuan rumah bersama oleh Asli. -- BERNAMA

MFZ KTC OS